



---

Na osnovu člana 15. stav (1) Zakona o Upravi za indirektno oporezivanje ("Službeni glasnik BiH", broj 89/05) i člana 23. stav (3) Zakona o postupku prinudne naplate indirektnih poreza ("Službeni glasnik BiH", broj 89/09), direktor Uprave za indirektno oporezivanje,  
d o n o s i

**PRAVILNIK  
O IZMJENAMA I DOPUNAMA PRAVILNIKA O PROVEDBI ZAKONA O  
POSTUPKU PRINUDNE NAPLATE INDIREKTNIH POREZA**

Član 1.

U članu 11. stav (2) Pravilnika o provedbi Zakona o postupku prinudne naplate indirektnih poreza ("Službeni glasnik BiH", broj 21/06) mijenja se i glasi:

"(2) Pojedinačna i solidarna odgovornost se odnosi na ukupan dug uključujući i naknadni teret prinude, kamatu i troškove postupka prinude. "

Član 2.

U članu 19. u stavu (1) riječi:"pod uvjetima" zamjenjuju se riječima: "u rokovima".

Član 3.

U članu 42. iza stava (3) dodaje se novi stav (4) koji glasi:  
"(4) Nalog za prinudnu naplatu se neće izdavati dužniku dok ukupan glavni dug iz prethodnih obračunskih perioda ne pređe iznos od 20,00 KM."

Član 4.

U članu 44. stav (2) briše se, a stavovi (3), (4), (5) i (6), postaju stavovi (2), (3), (4) i (5).

Član 5.

U članu 52. u stavu (3) broj:"10" zamjenjuje se brojem:"15".

Član 6.

U članu 75. stav (11) mijenja se i glasi:

"(11) Ako su tereti koji su već registrirani veći od procijenjene vrijednosti imovine, prodajna vrijednost predstavlja iznos dugova i troškova u postupku prinudne naplate, ako ne premašuju procijenjenu vrijednost imovine. "

Iza stava (11) dodaju se novi stavovi (12) i (13) koji glase:

"(12) Ako dugovi i troškovi u postupku prinudne naplate premašuju procijenjenu vrijednost imovine, tada ta procijenjena vrijednost treba biti prodajna cijena.

(13) Novčana sredstva dobivena prodajom ne koriste se za izmirivanje već postojećih tereta. U tu će svrhu UIO ispitati da li su postojeći tereti smanjeni bilo kakvom uplatom izvršenom nakon njegove registracije ili iz bilo kog drugog razloga."

Dosadašnji stav (12) postaje stav (14).

#### Član 7.

U članu 84. stav (1) mijenja se i glasi:

"(1) Odbor za prodaju (u daljnjem tekstu: Odbor) čini predsjednik, dva člana i sekretar. Odbor imenuje rješenjem šef Odsjeka za pružanje usluga na prijedlog šefa organizacione jedinice koja provodi postupak prinudne naplate, za svaki konkretni slučaj."

U članu 84. stav (2) mijenja se i glasi:

"(2) Predsjednik Odbora je šef organizacione jedinice za prinudnu naplatu, sekretar je šef grupe za tarifu i vrijednost, a ostala dva člana su zaposleni iz organizacione jedinice za prinudnu naplatu koji rotiraju u smislu njihovog postavljanja za svaku prodaju."

#### Član 8.

U članu 85. u stavu (7) tačka b) mijenja se i glasi:

"b) minimalna cijena za prodaju imovine bit će 75% od minimalne cijene utvrđene za prvu aukciju".

#### Član 9.

U članu 93. u stavu (1) tački b) broj: "3.000", zamjenjuje se brojem "10.000."

#### Član 10.

Član 109. se briše, član 110. postaje član 109., a član 111. postaje član 110.

#### Član 11.

(1) Ovaj Pravilnik stupa na snagu osmog dana od dana objavljivanja u "Službenom glasniku BiH".

(2) Ovaj Pravilnik će biti objavljen i u službenim glasilima entiteta i Brčko Distrikta Bosne i Hercegovine.

**Broj: 02-2-1541/09**  
**Datum: 25.06.2009.**

**DIREKTOR**  
**Kemal Čušević**